



Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Na osnovu Memoranduma o razumijevanju između United Nations Development Programme (UNDP) i Općine Breza, a u skladu sa odredbama Protokola o međusobnoj saradnji potpisanog između United Nations Development Programme i Općine Breza i na osnovu člana 19.Statuta Općine Breza (*Službeni glasnik općine Breza broj 08/09 – prečišćeni tekst*), Općinsko vijeće Općine Breza na sjednici održanoj 26.07.2017. godine, donosi

ODLUKU

O pokretanju procesa strateškog planiranja – pristupanje izradi Strategije razvoja Općine Breza

Član 1.

(Osnovne odredbe)

- (1) Općina Breza pristupa pokretanju procesa strateškog planiranja razvoja Općine Breza, odnosno pristupa izradi Strategije integrisanog lokalnog razvoja Općine Breza za period 2017. – 2021. godina, a u skladu sa uslovima Projekta integrisanog lokalnog razvoja (Integrated Local Development Programme) koji se realizuje od strane UNDP – United Nations Development Programme u Bosni i Hercegovini.
- (2) Cilj Projekta ILDP je konsolidacija sistema za upravljanje razvojem na lokalnom nivou i to kroz vertikalno usklađivanje sa strateškim okvirima viših nivoa, proširenje teritorijalnog obuhvata i jačanje razvojnih kapaciteta lokalne samouprave, kantonalnih, entitetskih i socio-ekonomskih partnera.

Član 2.

(Programske aktivnosti)

- (1) Aktivnosti koje će se provoditi sa parterskim jedinicama lokalne samouprave, odnosno sa Općinom Breza u 2017. godini utvrđene su Projektom integrisanog lokalnog razvoja (ILDP), kako slijedi:
 - a) Uvodna obuka na temu planiranja i upravljanja razvojem za načelnike i koordinatore,

- (septembar – oktobar 2017. godine)
- b) Pokretanje procesa strateškog planiranja - odluka vijeća/skupštine, uspostavljanje timova, mapiranje aktera iz zajednice,
(juli – avgust – septembar 2017. godine)
 - c) Prikupljanje podataka i izrada socio-ekonomske analize
(oktobar – novembar 2017. godine)
 - d) Izrada nacrtu strateške platforme – socio-ekonomska analiza, vizija i strateški ciljevi
(decembar 2017. godine)
 - e) Procjena postojećeg sistema za upravljanje razvojem i preporuke – institucionalni i regulatorni okvir
(septembar – oktobar 2017. godine)
 - f) Pilot obuka za vijećnike/odbornike na temu planiranja i upravljanja razvojem
(novembar 2017. godine)

Član 3.

(Formiranje timova za saradnju, mapiranje aktera iz zajednice)

- (1) Daje se saglasnost Općinskom načelniku Općine Breza da na osnovu ove Odluke, a u skladu sa uslovima i dinamikom Projekta ILDP izvrši formiranje općinskih stručnih razvojnih timova za područja saradnje iz člana 2. Protokola o saradnji između Općine Breza i Projekta integrisanog lokalnog razvoja (ILDP) od jula 2017. godine.
- (2) U skladu sa prethodnim članom, u provedbi ove Odluke posebno će se voditi računa o uključivanju relevantnih razvojnih aktera i građana u proces planiranja i izvještavanja, i to predstavnika NVO, poslovnog sektora i javnih institucija i ostalih razvojnih aktera iz lokalne i šire zajednice u proces izrade lokalne razvojne strategije putem općinskog razvojnog tima, zatim o uključivanju vijećnika u procese strateškog planiranja i praćenja ostvarenja implementacije razvojne strategije putem komisija ili drugih relevantnih tijela, te u aktivnostima obuke od strane ILDP-a.
- (3) Izvršit će se uspostava partnerske grupe (PG) i uključivanje PG z proces konsultacija izrade razvojne strategije, konsultacije o razvojnim prioritetima koji proizlaze iz plana implementacije 1+2 te konsultacija u procesu informisanja o ostvarenim rezultatima implementacije razvojne strategije za proteklu godinu, te osigurati kontinuirano i balansirano uključivanje predstavnika oba pola i socijalno isključenih kategorija u rad PG i drugih organa u donošenju svih ključnih odluka u procesima upravljanja razvojem, uz osiguravanje redovnog objavljivanja razvojno važnih informacija na web stranici JLS, sukladno Protokolu.

Član 4.

(Područja saradnje u okviru Protokola)

- a) Članom 2. Protokola o saradnji između Općine Breza i Projekta integrisanog lokalnog razvoja (ILDP) definisana su područja saradnje kako slijedi:

- b) Analiza kapaciteta JLS za upravljanje razvojem i izrada preporuka za uspostavu i/ili unaprjeđenje sistema za upravljanje razvojem putem jedinice za upravljanje razvojem (JURA),
- c) Izrada integrisane lokalne strategije razvoja za novi ciklus planiranja (2017. – 2021.), u skladu sa regulatornim okvirom viših nivoa vlasti,
- d) Insitucionalizacija i jačanje koordinirajuće uloge JURA-e koja djeluje u skladu sa propisanim kalendarom upravljanja lokalnim razvojem,
- e) Uspostavljanje u svakodnevnoj praksi jedinstvene procedure za godišnje planiranje, provođenje, praćenje i vrednovanje implementacije razvojne strategije i aktivnosti iz redovnih nadležnosti (u skladu sa uputama ILDP-a i proceduralnim rješenjima prilagođenim specifičnostima prakse i stanju ljudskih resursa),
- f) Redovna izrada plana implementacije strategije 1+2 u skladu sa propisanim kalendarom upravljanja lokalnim razvojem i procedurom za godišnje planiranje, provođenje, praćenje i vrednovanje implementacije razvojne strategije i aktivnosti iz redovnih nadležnosti.
- g) Redovna izrada godišnjih planova rada i izvještaja unutrašnjih organizacionih jedinica, u skladu sa propisanim kalendarom upravljanja lokalnim razvojem i jedinstvenom procedurom za godišnje planiranje, provođenje, praćenje i vrednovanje implementacije razvojne strategije i aktivnosti iz redovnih nadležnosti,
- h) Redovna izrada Godišnjeg izvještaja o implementaciji razvojne strategije, u skladu sa propisanim kalendarom upravljanja lokalnim razvojem i procedurom za godišnje planiranje, provođenje, praćenje i vrednovanje implementacije razvojne strategije i aktivnosti iz redovnih nadležnosti,
- i) Uspostavljanje i redovno ažuriranje elektronske baze podataka o planiranim i realiziranim razvojnim projektima i planiranjem i ostvarenim strateškim i sektorskim makroindikatorima, u skladu sa planskim i izvještajnim potrebama definiranim propisanim kalendarom upravljanja lokalnim razvojem, a imajući u vidu potrebu vođenja podataka razvrstanih po polu.

Član 5.

(Obaveze JLS)

- (1) Obaveze partnerske JLS, konkretno Općine Breza detaljno su regulisana odredbama člana 4. Protokola, te između ostalog podrazumijevaju i obavezu sufinansiranja tehničke podrške ILDP-a u jednokratnom iznosu od 5.000,00 BAM.

Član 6.

(Monitoring po Protokolu)

- (1) Za monitoring nad provođenjem Protokola zaduženi su Općinski načelnik, rukovodilac jedinice za upravljanje razvojem (ili koordinator Razvojnog tima JLS) i predstavnik ILDP-a, putem Monitoring tima u čijem sastavu su četiri osobe, od kojih je jedna rukovodilac jedinice za upravljanje razvojem (ili koordinator Razvojnog tima JLS), jedan vijećnik

Općinskog vijeća Općine Breza, a ostale dvije osobe predstavnici najrelevantnijih službi JLS, a koji imenuje Općinski načelnik.

- (2) Monitoring tim vršit će kvartalno, a po potrebi i češće, izvještavanje Općinskog načelnika i Općinskog vijeća o pregledu napretka u provođenju obaveza iz stavova (1) i (2) člana 2. Protokola.

Član 7.

(Provedba Odluke)

- (1) Za provedbu ove Odluke zadužuju se Općinski načelnik i općinske službe za upravu u Jedinstvenom općinskom organu uprave Općine Breza, stručni razvojni timovi i partnerske grupe koje će biti uključene u pripremu i izradu Strategije integrisanog lokalnog razvoja Općine Breza za naredni planski period.

Član 8.

(Prelazne i završne odredbe)

- (1) Ova Odluka na snagu stupa danom objavljivanja u Službenom glasniku Općine Breza.
- (2) Sastavni dio ove Odluke čini Protokol o saradnji između Općine Breza i Projekta integrisanog lokalnog razvoja (ILDLP).
- (3) Stupanjem na snagu ove Odluke prestaje sa važenjem Odluka o izradi Strategije razvoja Općine Breza za razdoblje 2017.-2021. godine („Službeni glasnik Općine Breza“, broj:08/16)

Broj: 01/1-02-2138/17
Breza, 26.07.2017.godine

PREDSJEDAVALAČI
Općinskog vijeća
Vedad Jusić,s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Na osnovu člana 363. stav 1. Zakona o stvarnim pravima Federacije BiH ("Službene novine Federacije BiH", broj: 66/13 i 100/13), člana 13. stav 2. tačka 5. Zakona o principima lokalne samouprave („Službene novine Federacije BiH“, broj: 49/06 i 51/09), člana 3. i 5. Pravilnika o postupku javnog konkursa za raspolaganje nekretninama u vlasništvu Federacije BiH, kantona, općina i gradova („Službene novine Federacije BiH, broj: 17/14), člana 8. Odluke o građevinskom zemljištu („Službeni glasnik Općine Breza“, broj: 6/17) i člana 19. stav 1. tačka 7. i člana 101. stav 3. Statuta Općine Breza – Prečišćeni tekst ("Službeni glasnik Općine Breza", broj: 8/09), Općinsko vijeće Općine Breza na sjednici održanoj dana 26.07.2017. godine, d o n o s i

O D L U K U

o uvjetima, načinu i postupku prodaje neizgrađenog gradskog građevinskog zemljišta u vlasništvu Općine Breza, putem javnog nadmetanja – licitacije

Član 1.

Odobrava se prodaja neizgrađenog gradskog građevinskog zemljišta (u daljem tekstu nekretnina) u vlasništvu Općine Breza, a koje je označeno kao:

- k.č. broj: 744/46, zv. „Bosanska; Dvorište“, u površini od 3607 m², upisano u Posjedovni list, broj: 137 k.o. Breza, posjednik Općina Breza sa dijelom 1/1, upisano i u Zemljišnoknjižni uložak, broj: 965 k.o. Breza, kao vlasništvo Općine Breza sa dijelom 1/1 i
- k.č. broj: 744/47, zv. „Bosanska; Dvorište“, u površini od 1024 m², upisano u Posjedovni list, broj: 137, posjednik Općina Breza sa dijelom 1/1, upisano i u Zemljišnoknjižni uložak, broj: 965 k.o. Breza, kao vlasništvo Općine Breza sa dijelom 1/1.

Član 2.

Nekretnina iz člana 1. ove Odluke, kao jedna cjelina prodaje se u svrhu izgradnje poslovnog objekta – prodajni centar i parkinga za potrebe poslovnog objekta – prodajni centar, a koji će se graditi prema urbanističko – tehničkim uslovima, koji su utvrđeni rješenjem Službe za prostorno uređenje, zaštitu okolice, geodetske i imovinsko-pravne poslove Općine Breza, o načelnoj urbanističkoj saglasnosti, broj: 04/1-4-23-1093/17 od 18.07.2017. godine

Član 3.

Prodaja nekretnina iz člana 1. ove Odluke, vršit će se na osnovu javnog nadmetanja – licitacije.

Daje se ovlaštenje Općinskom načelniku da objavi Javni oglas o prodaji nekretnina putem javnog nadmetanja - licitacije, u svrhu izgradnje poslovnog objekta – prodajni centar i parkinga za prodajni centar.

Javni oglas o prodaji nekretnina putem javnog nadmetanja – licitacije, objavit će se u jednim dnevnim novinama, koje se distribuiraju na području Federacije BiH, na web stranici Općine Breza i na oglasnoj ploči Općine Breza.

Javni oglas mora biti objavljen najmanje 15 (petnaest) dana prije dana određenog za dan licitacije.

Član 4.

Početna prodajna cijena po kojoj će se vršiti javno nadmetanje – licitacija za prodaju nekretnina iz člana 1. ove Odluke, utvrđena je na osnovu Procjene stalnog sudskog vještaka arhitektonske struke Ejuba Salkića dipl. ing. arh, od 14.07.2017. godine i 20.07.2017. godine i iznosi za 1 m² 100,00 KM, odnosno za površinu od 4631 m² 463.100,00 KM (slovima: četiristotinešezdesettrihjadestotinu KM).

Član 5.

Javno nadmetanje – licitaciju provest će Komisija za sprovođenje javnog nadmetanja – licitacije, koju će imenovati rješenjem Općinski načelnik.

Komisiju će sačinjavati predsjednik i dva člana, koji imaju zamjenike.

Član 6.

Za učestvovanje u postupku javnog nadmetanja – licitacije, zainteresovana lica dužna su na račun Općine Breza, položiti kaparu u iznosu od 10% od početne prodajne cijene nekretnina, odnosno 46.310,00 KM (slovima: četrdesetšestihjadatristotinedeset KM).

Član 7.

Mjesto i vrijeme održavanja javnog nadmetanja – licitacije, način prijave, dokumentacija koja je potrebna za sudjelovanje u postupku licitacije, razgledanje nekretnina, dokumentacija i drugi podaci za provođenje javnog nadmetanja – licitacije, odredit će se Javnim oglasom.

Član 8.

Daje se ovlaštenje Općinskom načelniku da po okončanju postupka licitacije sa najpovoljnijim ponuđačem zaključi kupoprodajni ugovor koji će biti u formi notarski obrađene isprave i kojim će se regulisati međusobna prava i obaveze ugovornih strana.

Kupoprodajni ugovor Općinski načelnik će zaključiti sa najpovoljnijim ponuđačem nakon pribavljenog mišljenja Općinskog pravobranilaštva Breza.

Najpovoljniji ponuđač dužan je kupoprodajnu cijenu, umanjenu za iznos kapare, uplatiti na račun Općine prije zaključenja kupoprodajnog ugovora u roku od 15 dana od dana okončane licitacije.

Ugovor o kupoprodaji ima se potpisati u roku od 30 dana od okončanja postupka licitacije.

Ukoliko najpovoljniji ponuđač ne izvrši plaćanje u roku iz stava 3. ovog člana smatrat će se da je odustao od kupovine nekretnine, te gubi pravo na povrat kapare.

Član 9.

Nakon kompletno okončanog postupka prodaje neizgrađenog gradskog građevinskog zemljišta iz člana 1. ove Odluke, Općinski načelnik obavezan je pisanom informacijom, upoznati Općinsko vijeće o rezultatu Javnog oglasa o prodaji neizgrađenog gradskog građevinskog zemljišta.

Član 10.

Ova Odluka stupa na snagu danom objavljivanja u "Službenom glasniku Općine Breza".

Broj: 01/1-02-2141/17
Breza, 26.07.2017. godine.

PREDJEDAVAJUĆI
Općinskog vijeća
Vedad Jusić, s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Na osnovu člana 13. stav 2. alineja 4. Zakona o principima lokalne samouprave ("Službene novine FBiH", broj 49/2006), i člana 19. stav 1. tačka 6. Statuta Općine Breza ("Službeni glasnik Općine Breza", broj 8/09 - Prečišćeni tekst), Općinsko vijeće Breza na sjednici održanoj dana 26.07.2017. godine, d o n o s i,

O D L U K U**o naknadama za zauzimanje javne površine u toku trajanja privredne i kulturno-sportske manifestacije "Bazenijada 2017"****Član 1.**

Ovom odlukom utvrđuje se iznos naknade za zauzimanje javne površine i zelenih površina (u daljem tekstu: javne površine) radi obavljanja djelatnosti, pružanja usluga i prezentacija proizvoda na privrednoj i kulturno-sportskoj manifestaciji pod nazivom "Bazenijada 2017", koja će se održati u periodu od 11.08.2017. do 19.08.2017. godine, na lokaciji u ulici "Žrtava genocida u Srebrenici".

Član 2.

1. Za zauzimanje javne površine trotoara u ulici "Žrtava genocide u Srebrenici" sa obje (lijeve i desne) strane, korisnici plaćaju iznos od 10,00 KM po 1m dužnom dnevno, za trgovinu tekstilom, robom, obućom, posuđem i priborom.
2. Za zauzimanje javnih površina:
 - za ugostitelje 4,00 KM dnevno po 1 m²,
3. Za zauzimanje javne površine za vršenje usluga pečenja i prodaje mesa 65,00 KM dnevno do 4 m² površine.
4. Za postavljanje ringišpila na platou pijace 230,00 KM dnevno, a za mali ringišpil 60,00 KM dnevno.
5. Za postavljanje ringišpila na ostalim lokacijama 100,00 KM dnevno.
6. Za postavljanje autodroma, balerina, vozića i sličnih zabavnih sadržaja do 20 m² površine korisnici plaćaju iznos od 65,00 KM dnevno.
7. Za korištenje javne površine-staza u parkovima i drugim lokacijama za autiće na akumulatore korisnik plaća iznos od 65,00 KM dnevno.
8. Za zauzimanje javne površine za vršenje ugostiteljskih usluga bez stolova kao što su prodaja čevapa, prodaja kokica, pomfrita, kuhanih i pečenih kukuruza, šećerne vate, sladoleda i sl. korisnici plaćaju iznos od 13,00 KM po 1 metru dužnom dnevno.
9. Za zauzimanje javne površine za postavljanje cirkuske šatre naknada se utvrđuje neposrednom pogodbom u zavisnosti od veličine površine i lokacije koju zauzima.
10. Lokacija za promociju domaće proizvodnje - besplatno u parku.

Član 3.

U cijenu naknade za korištenje javnih površina nije uračunata naknada za korištenje električne energije.

Član 4.

Uplate se vrše od 01.08.2017. do 11.08.2017.godine. u JP "Komunalno d.o.o" Breza.

Član 5.

Uplate za zauzimanje javne površine za jedan dan, odnosno pojedinačno po danima mogu se izvršiti tek od 11.08.2017. godine uz 50% povećanja za svaku lokaciju.

Član 6.

Ova Odluka stupa na snagu osmog dana od dana objavljivanja u "Službenom glasniku Općine Breza".

Član 7.

Ova Odluka primjenjuje se samo za vrijeme trajanja privredne i kulturno-sportske manifestacije "Bazenijada 2017".

Član 8.

Po okončanju privredno i kulturno-sportske manifestacije "Bazenijada 2017" JP "Komunalno" d.o.o. Breza se obavezuje da sačini finansijski izvještaj o ostvarenim prihodima i rashodima i isti podnosi Općinskom vijeću Općine Breza na prvoj narednoj sjednici Općinskog vijeća.

Broj: 01/1-02-2136/17
Breza, 26.07.2017.godine

PREDSJEDAVALAČI
Općinskog vijeća
Vedad Jusić, s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Broj: 01/1-02-2233/17
Breza, 26.07.2017.godine

Općinsko vijeće Breza, nakon razmatranja Informacije o realizaciji Projekta Stambeno zbrinjavanje Roma u Brezi „Izgradnja stambenog kompleksa i unaprjeđenje prateće komunalne infrastrukture u romskom naselju.“- I faza projekta, na osnovu člana 14 st. 1. al. 6 i st. 2. 1. te člana 115. st. 3. Statuta Općine Breza – Prečišćeni tekst („Službeni glasnik općine Breza“, broj: 8/09), na sjednici Općinskog vijeća Breza, održanoj dana 26.07.2017. godine, donijelo je

Z A K L J U Č A K**Član 1.**

Ministarstvo za ljudska prava i izbjeglice BiH, kao donator, i Općina Breza, kao implementator, dana 11.12.2013. godine, zaključili su Memorandum o razumjevanju na realizaciji projekta „Stambenog zbrinjavanja Roma u Bosni i Hercegovini u 2013. godini“ broj: 01-39-4654/13, kojim je Općina Breza preuzela obaveze i odgovornosti u vezi sa implementiranjem navedenog projekta i obavezala se da će se sredstva po ovom Memorandumu koristiti isključivo u namjenu realizacije projekta stambenog zbrinjavanja Roma te da će utrošak sredstava biti transparentan, ekonomičan, efikasan i u skladu sa važećim zakonskim procedurama.

Član 2.

Na osnovu Memoranduma iz tačke 1. ovog zaključka zaključen je Ugovor o prijenosu sredstava za projekte „Stambenog zbrinjavanja Roma u Bosni i Hercegovini u 2013. godini“, broj 01/2-05-3376/13 od 11. decembra 2013 godine, na osnovu kojeg su Ministarstvo za ljudska prava i izbjeglice BiH i Federalno ministarstvo prostornog uređenja obezbjedili i uplatili na račun Općine Breza namjenska grant novčana sredstva u iznosu od 199.294,04 KM a Općina Breza se obavezala da će osigurati sufinansirajuća sredstva u iznosu od 111.243,89 KM. Ukupna vrijednost I faze Projekta iznosi 310.537,93 KM.

Općina Breza prihvatila je doznačena grant novčana sredstva i obavezala se da će

ista utrošiti isključivo za realizaciju I Faze projekta izgradnje stambenog kompleksa/zgrade od 25 stambenih jedinica za romske porodice sa prebivalištem na području općine Breza.

Član 3.

Prema podacima Službe za finansije, inspekcijske poslove opću upravu Općine Breza, iznesenim u mišljenju, broj: 03/1-14-2038/17 od 07.07.2017. godine, dodijeljena grant novčana sredstva iz člana 2. ovog Zaključka su na osnovu Odluke o pozajmici, broj: 01/2-14-2139/14 od 15.08.2014. godine i Odluke o pozajmici, od 10.01.2014. godine, koje je donio Općinski načelnik Breza, u cjelosti potrošena na redovne tekuće izdatke Općine Breza.

Član 4.

Daje se saglasnost Općinskom načelniku Breza da nastavi sa realizacijom Projekta Stambeno zbrinjavanje Roma u Brezi: „Izgradnja stambenog kompleksa i unaprjeđenje prateće komunalne infrastrukture u romskom naselju.“- I FAZA PROJEKTA i s tim u vezi potpiše Ugovor o saradnji sa Ministarstvom za ljudska prava i izbjeglice BiH, koji je sastavni dio ovog Zaključka.

Član 5.

Sredstva za nastavak realizacije I faze navedenog projekta u iznosu od 199.294,04 KM, prema Mišljenju Službe za finansije, inspekcijske poslove i opću upravu, broj: 03/1-14-2038/17 od 07.07.2017. godine, koje je sastavio dio ovog zaključka, obezbjedit će se iz redovnih poreznih prihoda Općine Breza.

Ugovorom iz člana 4. ovog Zaključka, Općina Breza će se obavezati da dodijeljena grant novčana sredstva za stambeno zbrinjavanje Roma na području Općine Breza u iznos od 199.294,05 KM utroši na izgradnju tri stambene jedinice i zajednički prostor sa rokom realizacije 30.06.2018.godine.

U slučaju da dodijeljeni grant ne bude utrošen u skladu sa projektom dokumentacijom i Ugovorom o saradnji, isti će biti vraćen Ministarstvu za ljudska prava i izbjeglice u roku od 10 (deset) dana (član 7. predmetnog Ugovora o saradnji).

Član 6.

Ovaj Zaključak stupa na snagu danom donošenja a objavit će se u „Službenom glasniku Općine Breza“.

PREDSJEDAVAJUĆI
Općinskog vijeća
Vedad Jusić, s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Broj: 01/1-02-2142/17
Breza, 26.07.2017.godine

Na osnovu člana 115. stav 3. Statuta Općine Breza ("Službeni glasnik Općine Breza", broj 8/09 – Prečišćeni tekst), prilikom razmatranja Nacrta izmjena i dopuna Regulacionog plana „Centar“ i Odluke o provođenju izmjena i dopuna Regulacionog plana „Centar“, Općinsko vijeće Breza na sjednici održanoj dana 26.07.2017. godine, donosi

Z A K L J U Č A K**I**

UTVRĐUJE SE Nacrta izmjena i dopuna Regulacionog plana „Centar“ i Odluke o provođenju izmjena i dopuna Regulacionog plana „Centar“.

II

Javnu raspravu sprovesti u periodu od 01.08.2017. do 15.08.2017.godine.

III

Javnu raspravu sprovest u okviru vijećnika, privrednika, predstavnika mjesnih zajednica i ostalih zainteresovanih subjekata na području Općine Breza.

IV

Za realizaciju zaključka zadužuje se Služba za prostorno uređenje, zaštitu okoline, geodetske i imovinsko-pravne poslove.

V

Zaključak stupa na snagu danom donošenja i isti će se objaviti u „Službenom glasniku Općine Breza“.

DOSTAVLJENO:

1x Služba za prostorno uređenje,
1x 01/1,
1x a/a.

PREDSJEDAVAJUĆI

Općinskog vijeća
Jusić Vedad

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Broj: 01/1-02-834/17
Breza, 26.07.2017.godine

Na osnovu člana 115. stav 3. Statuta Općine Breza („Službeni glasnik Općine Breza“, broj 8/09 - Prečišćeni tekst) i člana 18. Odluke o raspisivanju i održavanju izbora za članove savjeta mjesnih zajednica na području Općine Breza („Službeni glasnik Općine Breza“, broj 2/17 i 04/17), Općinsko vijeće Breza na sjednici održanoj dana 26.07.2017.godine, d o n o s i

Z A K L J U Č A K**I**

DAJE SE SAGLASNOST na Izvještaj o održavanju izbora za članove savjeta mjesnih zajednica na području Općine Breza, koji su održani dana 01. jula 2017.godine.

II

U naseljenim mjestima Prhinje i Založje ponoviti izborni proces do naredne sjednice Općinskog vijeća.

III

Za realizaciju tačke I. Zaključka zadužuje se Služba za privredu, a realizaciju tačke II. zadužuje se Služba za privredu i Komisija za provođenje izbora za članove savjeta mjesnih zajednica.

IV

Zaključak objaviti u u Službenom glasniku Općine Breza.

DOSTAVLJENO:

1x Predsjednici Mjesnih zajednica
1x Služba za privredu,
1x 01/1,
1x Arhiva.

PREDSJEDAVAJUĆI
Općinskog vijeća
Vedad Jusić,s.r

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće
Broj: 01/1-02-2123/17
Breza, 26.07.2017.godine

Na osnovu člana 115. stav 3. Statuta Općine Breza ("Službeni glasnik Općine Breza", broj: 8/09 – Prečišćeni tekst) i tačke 21-D-studijsko-analitički i informaciono-dokumentacioni materijali Programa rada Općinskog vijeća Breza 2017. godine ("Službeni glasnik Općine Breza", broj: 1/17), prilikom razmatranja Izvještaja o ostvarivanju programa rada Općinskog vijeća Breza za period od 01.01.2017 do 30.06.2017. godine, Općinsko vijeće Breza, na sjednici održano 26.07.2017.godine, donosi

ZAKLJUČAK**I**

USVAJA SE Izvještaj o ostvarivanju programa rada Općinskog vijeća Breza za period od 01.01.2017. do 30.06.2017. godine.

II

Zaključak objaviti u „Službenom glasniku Općine Breza“.

Dostavljeno:

1x Predsjedavajući Općinskog vijeća Breza,
1x 01/1,
1x a/a.

PREDSJEDAVAJUĆI
Općinskog vijeća
Jusić Vedad,s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće
Broj: 01/1-02-1826/17
Breza, 26.07.2017.godine

Na osnovu člana 13. stav 2. alineja 18. Zakona o principima lokalne samouprave u Federaciji Bosne i Hercegovine („Službene novine FBiH“, broj 49/06) i člana 19. tačka 18. Statuta Općine Breza („Službeni glasnik Općine Breza“, broj 8/09-Preečišćeni tekst), Općinsko vijeće Breza na sjednici održanoj 26.07.2017. godine,
d o n o s i

R J E Š E N J E

o razrješenju člana Komisije za izbor, imenovanja i administrativne poslove

I

Razrješava se dužnosti član Komisije za izbor, imenovanja i administrativne poslove pod rednim brojem 3.
Muratović Namik iz Breze, zbog podnešene ostavke („Sužbeni glasnik Općine Breza,, broj: 08/16)

II

Rješenje objaviti u „Službenom glasniku Općine Breza“.

DOSTAVLJENO:

1x Predsjednik kom.za izbor,imen.i admin.posl.
1x Muratović Namik,
1x 01/1,
1x a/a.

PREDSJEDAVAJUĆI

Općinskog vijeća
Jusić Vedad

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće
Broj: 01/1-02-1826/17
Breza, 26.07.2017.godine

Na osnovu člana 13. stav 2. alineja 18. Zakona o principima lokalne samouprave u Federaciji Bosne i Hercegovine („Službene novine FBiH“, broj 49/06 i 51/09) i člana 19. tačka 18. Statuta Općine Breza („Službeni glasnik Općine Breza“, broj 8/09-Prečišćeni tekst), prilikom razmatranja ostavke člana Komisije za izbor, imenovanja i administrativne poslove, Općinsko vijeće Breza na sjednici održanoj 26.07.2017. godine, d o n o s i :

R J E Š E N J E

o imenovanju člana Komisije za izbor, imenovanja i administrativne poslove

I

Za člana Komisije za izbor, imenovanja i administrativne poslove imenuje se Nejira Bulbulušić („Službeni glasnik Općine Breza, broj 8/16).

II

Rješenje objaviti u „Službenom glasniku Općine Breza“.

Dostavljeno:
1x Predsj.Komisije za izbor,imen.i admin.posl.
1x Nejira Bulbulušić,

PREDSJEDAVAJUĆI
Općinskog vijeća
Jusić Vedad,s.r.

1x 01/1
1x a/a

Bosna i Hercegovina
Federacija Bosne i Hercegovine
Zeničko-dobojski kanton
Općina Breza
Općinski načelnik

Broj: 01/2-34-2076/17
Breza, 14.07.2017. godine

U skladu sa članom 34. Zakona o radu Federacije Bosne i Hercegovine (*Službene novine Federacije Bosne i Hercegovine*)te u skladu Pravilnikom o kriterijima, postupku izbora i prijema lica za stručno osposobljavanje bez zasnivanja radnog odnosa u Jedinstvenom općinskom organu uprave Općine Breza broj 01/2-05-2676/16 od 12.10.2015. godine i broj 01/2-05-1072/16 od 05.05.2016. godine i broj 01/2-05-2075/17 od 14.07.2017. godine, a na osnovu člana 37.Statuta Općine Breza (*Službeni glasnik općine Breza broj 08/09 – prečišćeni tekst*),Općinski načelnik Općine Breza donosi:

ODLUKU O IZMJENI I DOPUNI

Odluke oprijemu lica sa završenim fakultetom na stručno osposobljavanje bez zasnivanja radnog odnosa u Jedinstvenom općinskom organu uprave Općine Breza u 2017. godini

Član 1.

Naziv Odluke mijenja se tako da glasi:

„Odluka o prijemu lica sa završenim fakultetom i završenom srednjom školom na stručno osposobljavanje bez zasnivanja radnog odnosa u Jedinstvenom općinskom organu uprave Općine Breza u 2017. godini.“

Član 2.

U članu 3. stav 3. Odluke iza riječi „zanimanja“ dodaju se riječi: „ili druge stručne spreme - srednje stručne spreme tehničkog ili društvenog smjera, a do ukupnog iznosa odobrenih

sredstava za te namjene u Budžetu Općine Breza za 2017. godinu.“

Ostali tekst člana 3. Odluke ostaje nepromijenjen.

Član 3.

Ova Odluka stupa na snagu danom donošenja, a objavit će se u Službenom glasniku Općine Breza.

Dostavljeno:

*1x Služba za finansije, inspeksijske
poslove i opću upravu*

1x Službeni glasnik Općine Breza

1x 01/2

1x Arhiv

Općinski načelnik

Mr.sci. Munib A. Zaimović

S A D R Ź A J

- 212. Odluka o pokretanju strateškog planiranja-pristupanje izradi Strategije razvoja Općine Breza materijalnu pomoć pod povoljnijim uslovima na području Općine Breza.
- 215. Odluka o vjetima, načinu i postupku prodaje neizgrađenog gradskog građevinskog zemljišta u vlasništvu Općine Breza, putem javnog nadmetanja. licitacije.
- 217. Odluka o naknadama za zauzimanje javne površine u toku trajanja privredne i kulturno-sportske „Bazenijade 2017“.
- 219. Zaključak o provedenim aktivnostima projekta „Stambeno zbrinjavanje Roma u Brezi i izgradnji stambenog kompleksa i unapređenje prateće komunalne infrastrukture u romskom naselju“- Faza I,
- 221. Zaključak o utvrđivanju Nacrta izmjena i dopuna Regulacionog plana „Centar“ i Odluke o provođenju izmjena i dopuna Regilacionog plana „Centar“.
- 221. Zaključak o davanju saglasnosti na Izvještaj o održavanju izbora za članove savjeta mjesnih zajednica na području Općine Breza, koji su održani dana 01.jula 2017. godine.
- 222. Zaključak o usvajanju Izvještaja o ostvarivanju programa rada Općinskog vijeća za period od 01.01.2017 do 30.06.2017 godine.
- 223. Rješenje o razrješenju član Komisije za izbor, imenovanje i administrativne poslove.
- 223. Rješenje o imenovanju član Komisije za izbor, imenovanje i administrativne poslove.
- 224. Odluka o izmjeni i dopuni Odluke o prijemu lica sa završenim fakultetom na stručno osposobljavanje bez zasnivanja radnog odnosa u Jedinstvenom općinskom organu uprave Općine Breza u 2017. godini
- 225. Sadržaj